

Promer barco Americano di guerra a mara na San Nicolas

ORANJESTAD(AAN) -- Diasabra mainta 10.30 or di mainta a drenta waf di San Nicolas e barco di guerra Americano USS Ticonderoga. Tabata un momento bastante emocional ya cu pa hopi aña San Nicolas no a mira un barco cu un cantidad di tripulacion asina.

Pa yama bon bini na e tripulacion di e barco, tabata presente ariba pier number 3 Prome Ministro Eman hunto cu un delegacion di marina Hulandes encabeza pa comandante van Egmond y tambe Henry Coffi di Lago.

Prome Ministro Eman a subi e barco acompaña pa comandante van Egmond caminda e capitán Arison a yama Prome Ministro y von Egmond bon bini. Despues di e bishita ariba e barco un parti grandi di e


tripulacion a baha y a tuma parti na un ceremonia cortico bao di e banderanan di Aruba, Hulanda y Merca.

Prome Ministro Eman den su discurso na e ceremonia a yama bon bini na e capitán y e tripulacion di USS Ticonderoga.

Prome Ministro a enfatisa cu e wafnan aki a funciona durante 60 aña, ricibiendo barco y tanqueronan mas grandi di mundo tur dia. Pa hopi aña awor por mira barconan grandi drenta mas den e wafnan aki.

Pa hopi aña no tabata tin tripulacion tampoco mas ta canando dor di e area aki pa bay e ciudad San Nicolas. Pero awor a cuminsa un desaroyo nobo.

Prome Ministro Eman a bisa tambe con e proceso a inicia awor cu Aruba ta hayando bek



parti di e facilidadnan pa asina por inicia actividadnan nobo

manera a tuma lugar cu e entrada di USS Ticonderoga.

Na e ceremonia aki tambe a hiba palabra e capitán di e barco USS Ticonderoga cu a expresa cu agradecimiento pa un bon bini asina caluroso. E capitán a bisa "Mi ta segura bosonan cu e tripulacion henter di Ticonderoga ta hopi contento di ta na Aruba. Nos tabata wak cu anticipacion e bishita na boso isla pa varios lunanan largo. Nos tabata ansioso pa disfruta e amistad, e caluroso santo y e hospitalidad tremendo cu boso isla a bira famoso pe. Danki un biaha mas pa un bon bini asina caluroso y nos ta wak cu hopi anticipacion nos es-

tadia hunto cu boso aki na Aruba".

Despues di e discurso Prome Ministro hunto cu comandante von Egmond y Mathew a cana cu e capitán y mas o menos 350 tripulante den promenade y caya principal di San Nicolas.

Den promenade tabata kiosknan habri cu cuminda y mercancía, tambe tabata tin musica life di bandanan local pa entretene e tripulacion. Atardi a sigui un beach party na Esso Club pa e tripulacion, unda nan por a disfruta di e playanan bunita di pariba di brug. E barco Ticonderoga lo ta na Aruba te cu Diamars 6 di September.



Prome Ministro Eman a cana den caya di San Nicolas cu e tripulacion di e barco.